

Communicaziun a las medias BCG

La Banca Chantunala Grischuna offra 60 jobs da stad

Cuira, ils 5 d'avrigl 2017 – La Banca Chantunala Grischuna (BCG) ed il Project en favur dal guaud da muntogna porschan a 60 giuvnas e giuvens grischuns in job da stad pajà en il guaud da muntogna. Il project cuminaivel vegn realisà per la tschintgavla giada e chatta mintg'onn buna accoglientscha. Interessents pon s'annunziar fin ils 30 d'avrigl per in'emna da lavur en il guaud da muntogna grischun.

Als lieus d'engaschi da quest onn sa chattan a Trin, Glion, Claustra e Cuira. Durant in'emna il fanadur e l'avust gidan ils 60 participants a mantegnair las funcziuns da protecziun multifaras dal guaud da muntogna. La damaun marvegli vegnan ils giuvenils manads davent dal lieu d'inscunter fixà en il lieu d'engaschi en il guaud. Sut la direcziun da spezialists da selvicultura fan els emplantaziuns, sendas d'inspeziun e saivs cunter donnas da ruissa da selvaschina. La saira turnan ils giuvenils stanchels, ma plain impressiuns a chasa. La lavur quotidiana en il guaud è pretensiusa, ma ella resta en memoria sco eveniment nunemblidaivel. Per lur engaschi d'ina emna survegnan las lavureras ed ils lavurers giuvens in daner da giaglioffa da 500 francs.

Las emnas da project cuminaivlas da la Banca Chantunala Grischuna e dal Project en favur dal guaud da muntogna han lieu quest onn per la tschintgavla giada. Cun ses engaschament contribuescha la Banca Chantunala Grischuna a la tgira dal guaud da muntogna sco spazi da protecziun e da vita indispensabel. Il Project en favur dal guaud da muntogna è ina fundaziun d'utilitad publica cun sedia a Trin. La finamira è da tgirar e mantegnair il guaud da muntogna. Questa fundaziun è la partenaria ideala, cunquai che la BCG surpiglia responsabladad ed agescha a moda duravla sco interpresa enragischada en il chantun Grischun. A medem temp pon ils giuvenils passentar durant lur vacanzas in'emna da project raschunaivla e pajada grazia als jobs da stad.

Giuvnas e giuvens motivads en la vegliadetgna da 15-19 onns che lavuran gugent en in team e vulan s'engaschar per il guaud da muntogna grischun, pon s'annunziar fin ils 30 d'avrigl sin gkb.ch/sommerjobs.

Contact per las medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1'015 collavuraturas e collavuratur (stadi dals 31-12-2016). En il chantun Grischun cun sias numerusas vals e piras linguas, è l'interpresa represchentada cun 60 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 23,9 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants: 8 d'avrigl 2017

Rendaquint semestral 2017: 27 da fanadur 2017
